

Tunggakan RM50j: DBKL bertindak

KUALA LUMPUR - Dewan Bandaraya Kuala Lumpur (DBKL) akan mengambil tindakan termasuk merampas unit perumahan yang didapati masih enggan menjelaskan tunggakan mereka.

Tunggakan berkenaan meliputi sewa dan caj air bagi rumah Projek Perumahan Rakyat (PPR), manakala bagi rumah yang dijual melibatkan yuran penyelesaian, faedah kelewatan, caj air serta cukai pintu.

Hingga akhir Mac lalu, tunggakan terkumpul berjumlah RM50,742,654 dan DBKL akan menjalankan pengutipan secara berperingkat bermula dengan penghantaran notis tunggakan pada setiap unit

yang terbabit.

Menurut Datuk Bandar, Datuk Ab. Hakim Borhan, sikap penyewa yang sering melewati bayaran sewa dan air serta kegagalan untuk menjadikan pembayaran sewa sebagai keutamaan menjadi punca peningkatan tunggakan.

"Terdapat juga penyewa yang menghadapi masalah kewangan peribadi yang juga antara faktor meningkatkan tunggakan terkumpul.

"Dari segi tunggakan pembeli rumah pula, sikap yang hanya mahukan perkhidmatan yang baik sebelum menjelaskan tunggakan serta ketidakpuasan hati terhadap perkhidmatan yang diberikan menjadi antara punca

masalah tunggakan. Tanya pada program Datuk Bandar bersama Media di sini semalam.

Bagi penyewa yang membeli unit PPR, Notis Turun Kunci akan dikeluarkan sekiranya mereka mempunyai tunggakan selama dua bulan, manakala Notis Kunci Air akan dikeluarkan sekiranya mempunyai tunggakan melebihi tiga bulan.

"Penyewa atau pembeli turut diberikan peluang untuk menjelaskan tunggakan secara beransuran dan sekiranya masih gagal berbuat demikian, Notis Mengunci Pintu dan Notis Penamatan Perjanjian akan menyebabkan unit kediaman dirampas," tegasnya.